

BATAKURU YUUHANNA DIMMURU NDUN

1 ¹ Salminaango an min oo ardotoodo, haa e oo suddido subaado teddudo e faybe mun,^a mo mi yidi e nder goonga, mo tawata non hinaa min tun yidi dun, kono ko kala andudo goonga on, ² sabu goonga wondo e men on, dun ko on goonga wonoowo e men haa poomaa.

³ Moyfere e yurmeende e buttu wonay e men immorde e Alla Baabaajo on e Iisaa Almasiihu on, dun ko Biddo Baabaajo on, e nder goonga e giggol.

⁴ Mi weltike fota ko mi tawi kon wobbe e faybe maa ben no jokki laawol goonga on, wano Baabaajo on yamiriri en non. ⁵ Jooni non, an oo suddido teddudo, koo ko mi wonu-maa windande hinaa yamiroore heyre, kono ko ndee nde hebunoden gila ka fuddoode mi tori-maa, dun ko yo en yisindir. ⁶ Awa e hino ko woni giggol kon: ko jokkugol yamiroje makko den. E hino yamiroore nde andudon gila ka fuddoode nden: ko yo on wuuru e nder giggol.

⁷ Ko fii daynoobe duudiube naatii e nder aduna on, be jabaali wonde Iisaa Almasiihu on wontuno neddo o ari ka aduna. Ko bee woni daynoobe e liddotoobe Almasiihu on ben. ⁸ Awa, reenee onon tigi, fii wota battane golle men den bonu, kono fii yo on hebu njoddi heewundi. ⁹ Kala feyitudo jannde *Almasiihu on, ronki humaade e mayre, haray on wonaa humondirso e Alla. Kala non tabitudo e nden jannde, haray no humondiri e Baaba on e Biddo on. ¹⁰ On mo ari e mon, addoraali nden jannde, wota on wernu mo ka suudu mon, awa kadi wota on hiwro mo. ¹¹ Ko fii kala on hiwriido mo, haray tawdaama e kuude makko bonde den.

¹² Mido mari buy ko mi windana on, kono mi yidaali windirde dun ndaha e kaydi. Kono non mido tanyinii yahugol ka mon, mi yewtira on hunduko, fii no weltaare men nden timmira.

^a1.1 No sikkaa wonde «oo suddido subaado teddudo» no firi moftal gomdinbe wonbe nokku goo. «Faybe ben» no firi yimbe moftal ngal.

¹³Fayɓe jaaja maa subaado on salminii ma.

DEUXIÈME ÉPÎTRE DE JEAN

en Langue Pular (Fouta-Jalon)

République de Guinée

© 2013 Traducteurs Pionniers de la Bible

en collaboration avec

Mission Protestante Réformée